



SLUŽBENI LIST

REPUBLIKE BOSNE I HERCEGOVINE

Godina I – Broj 1

Četvrtak, 9. aprila 1992.
SARAJEVO

Akontacija pretplate
za 1992. godinu 3.900 dinara
Cijena ovom broju 13 dinara
Žiro-račun 10100-603-1396

1

Na osnovu tačke III Odluke o proglašenju neposredne ratne opasnosti (broj 01-011-301/92 od 8. aprila 1992. godine), Predsjedništvo Socijalističke Republike Bosne i Hercegovine, na sjednici održanoj 8. aprila 1992. godine, donijelo je

UREDBU

O IZMJENI NAZIVA SOCIJALISTIČKE REPUBLIKE BOSNE I HERCEGOVINE

Član 1.

Mijenja se naziv Socijalističke Republike Bosne i Hercegovine i glasi »REPUBLIKA BOSNA I HERCEGOVINA«.

Član 2.

Ova uredba stupa na snagu odmah i objaviće se u »Službenom listu RBiH«.

Broj 01-011-302/92
8. aprila 1992. godine
Sarajevo

Predsjednik
Predsjedništva RBiH,
Alija Izetbegović, s.r.

2

Na osnovu tačke III Odluke o proglašenju neposredne ratne opasnosti, Predsjedništvo Republike Bosne i Hercegovine, na sjednici održanoj 8. aprila 1992. godine, donijelo je

UREDBU

O UKIDANJU DOSADAŠNJEG REPUBLIČKOG ŠTABA TERITORIJALNE ODBRANE I OBRAZOVANJU ŠTABA TERITORIJALNE ODBRANE REPUBLIKE BOSNE I HERCEGOVINE

Član 1.

Ukida se dosadašnji Republički štab Teritorijalne odbrane BiH i obrazuje Štab teritorijalne odbrane Republike Bosne i Hercegovine.

Član 2.

Predsjedništvo Republike Bosne i Hercegovine donosiće odluke o upotrebi jedinica teritorijalne odbrane Republike Bosne i Hercegovine.

Ministarstvo za narodnu odbranu Republike Bosne i Hercegovine preko Štaba teritorijalne odbrane Bosne i Hercegovine rukovodi i komanduje sastavima teritorijalne odbrane.

Član 3.

Zvanični privremeni znak svih pripadnika TO BiH biće stari bosanski grb štitastog oblika plave boje presječen bijelom dijagonalom sa po tri zlatnožuta ljiljana u svakom polju.

Član 4.

Razrješava se dužnosti dosadašnji komandant Republičkog štaba TO BiH general-potpukovnik Drago Vukosavljević i načelnik Republičkog štaba TO BiH general-potpukovnik Fikret Jakić.

Za komandanta Štaba TO Republike BiH imenuje se pukovnik Hasan Efendić, a za načelnika Štaba Republike TO BiH pukovnik Stjepan Šiber.

Član 5.

Ova uredba stupa na snagu odmah i objaviće se »Službenom listu RBiH«.

Broj 01-011-303/92
8. aprila 1992. godine
Sarajevo

Predsjednik
Predsjedništva RBiH,
Alija Izetbegović, s.r.

3

U skladu sa odredbama amandmana LI i LXXII na Ustav Socijalističke Republike Bosne i Hercegovine, a na prijedlog Skupštine SR Bosne i Hercegovine, Predsjedništvo Republike Bosne i Hercegovine na sjednici od 8. aprila 1992. godine, donijelo je

ODLUKU

O PROGLAŠENJU NEPOSREDNE RATNE OPASNOSTI

I

Proglašava se da je na teritoriji Bosne i Hercegovine nastupila neposredna ratna opasnost.

II

Za vrijeme neposredne ratne opasnosti sastav Predsjedništva RBiH proširuje se sa predsjednikom Skupštine RBiH, predsjednikom Vlade RBiH i komandantom Teritorijalne odbrane Republike.

III

Predsjedništvo RBiH će za vrijeme neposredne ratne opasnosti donositi uredbе sa zakonskom snagom i odluke o izboru ili imenovanju i razrješenju, koje će podnijeti na potvrdu Skupštini RBiH čim ona bude u mogućnosti da se sazove.

IV

Ova odluka stupa na snagu odmah i objaviće se u narednom broju »Službenog lista RBiH«.

Broj 01-011-301/92
8. aprila 1992. godine
Sarajevo

Predsjednik
Predsjedništva RBiH,
Alija Izetbegović, s.r.

4

Na osnovu člana 44. Zakona o Vladi Socijalističke Republike Bosne i Hercegovine (»Službeni list SRBiH«, broj 33/90) u vezi sa članom 2. stav 1. tačka 3. Zakona o mjerama koje se mogu preduzeti radi sprečavanja poremećaja u ostvarivanju utvrđene razvojne i ekonomske politike (»Službeni list SRBiH«, broj 8/91), Vlada Republike Bosne i Hercegovine, donosi

UREDBU

O IZMJENAMA I DOPUNAMA UREDBE O NAČINU FORMIRANJA CIJENA ODREĐENIH PROIZVODA I USLUGA

Član 1.

U Uredbi o načinu formiranja cijena određenih proizvoda i usluga (»Službeni list SRBiH«, br. 4/92, 5/92 i 7/92) u članu 3. stavu 1. podtačke a), b), c), d) i e) mijenjaju se i glase:

	tip »850«	tip »500«
a) Pšenično brašno		
- za pakovanje od 1 kg	-	64,00
- za pakovanje od 2 kg	-	62,00
- za pakovanje od 25 kg i više	45,00	52,00

	tip »850«	tip »500«
b) Osnovne vrste hljeba od pšeničnog brašna		
- u apoenima od 1 kg	70,00	80,00
- u apoenima od 0,800 gr	62,00	70,00
- u apoenima od 0,750 gr	58,00	66,00
- u apoenima od 0,700 gr	55,00	62,00
- u apoenima od 0,500 gr	42,00	48,00

	tip »500«
c) Specijalni hljeb od pšeničnog brašna	
- domaći hljeb od 1 kg	90,00
- domaći hljeb od 0,800 gr	80,00
- domaći hljeb od 0,750 gr	75,00
- domaći hljeb od 0,700 gr	70,00
- domaći hljeb od 0,500 gr	54,00

	sa 2,8% mlječne masti	sa 3,2% mlječne masti
d) za svježe mlijeko:		

- pasterizovano mlijeko u PVC ambalaži	78,00 din/l	80,00 din/l
--	-------------	-------------

	sa 2,8% mlječne masti	sa 3,2% mlječne masti
e) Svježe sterilizovano mlijeko:		
- u tvrdj ambalaži 1 l	120,00 din/l	125,00 din/l
- u tvrdj ambalaži od 0,500 l	62,00 din/1/2 l	65,00 din/1/2 l

U istoj tački u stavu 2. prva, druga, treća i četvrta alineja mijenjaju se i glase:

- za pšenično brašno tip »850«	do 20%
- »500«	do 10%
- za osnovne i specijalne vrste hljeba proizvedenog od pšeničnog brašna tip »850« i »500«	

- za svježe pasterizovano mlijeko sa 2,8% i 3,2% mlječne masti	do 15%
- za svježe sterilizovano mlijeko sa 2,8% i 3,2% mlječne masti	do 25%

U istoj tački u stavu 3. podtačke a) i b) mijenjaju se i glase:

	tip »850«	tip »500«
a) za pšenično brašno		
- za pakovanje od 1 kg	-	50,00
- za pakovanje od 2 kg	-	48,00
- za pakovanje od 25 kg i više	32,00	40,00

	sa 2,8% mlječne masti	sa 3,2% mlječne masti
b) za svježe mlijeko:		
- pasterizovano mlijeko u PVC ambalaži	68,00 din/l	70,00 din/l
- sterilizovano mlijeko u tvrdj ambalaži do 1 litar	96,00 din/l	100,00 din/l
u tvrdj ambalaži od 0,500 l	49,00 din/1/2 l	52,00 din/1/2 l

Član 2.

Ova uredba stupa na snagu danom objavljivanja u »Službenom listu RBiH«.

V. broj 31
7. aprila 1992. godine
Sarajevo

Predsjednik
Vlade RBiH,
Jure Pelivan, s.r.

5

Na osnovu člana 18. Zakona o opštenarodnoj odbrani (»Službeni list SRBiH«, br. 3/84, 17/87, 35/90), a u vezi sa članom 45. stav 2. Zakona o Vladi BiH (»Službeni list SRBiH«, broj 33/90), Vlada Republike Bosne i Hercegovine donosi

ODLUKU

O ZAVODENJU RADNE OBAVEZE

I

Ovom odlukom zavodi se radna obaveza za sve:

- državne organe, republičke i opštinske organe uprave, organe uprave Grada Sarajeva, upravne organizacije, stručne i druge službe, pravosudne organe, sudove za prekršaje, Službu društvenog knjigovodstva i radne zajednice štabova za teritorijalnu odbranu,
- organizacije društvenih djelatnosti,
- javna preduzeća, druga pravna lica i samostalne privrednike,
- banke, druge finansijske organizacije i organizacije za osiguranje.

II

Radna obaveza izvršavaće se u skladu sa zakonom, drugim propisima i planovima za slučaj neposredne ratne opasnosti.

III

Funkcioneri koji rukovode državnim ili drugim organom, poslovodni organ u organizaciji odnosno preduzeću ili drugo ovlašćeno lice, obezbijediće izvršavanje radne obaveze utvrđene ovom odlukom.

IV

Ova odluka stupa na snagu danom donošenja.

V

Ovu odluku objaviti u »Službenom listu RBiH«.

V. broj 30
9. aprila 1992. godine
Sarajevo

Potpredsjednik
Vlade RBiH,
prof. dr Rusmir Mahmutćehajić, s.r.

Narodna i
univerzitetna
biblioteka DM
SARAJEVO

2-12172

6

Na osnovu člana 2. stav 2. tačka 3. Zakona o mjerama koje se mogu preduzeti radi sprečavanja poremećaja o ostvarivanju utvrđene razvojne i ekonomske politike («Službeni list SRBiH», broj 8/91) Vlada Republike Bosne i Hercegovine, donosi

ODLUKU

O PREUZIMANJU SAVEZNIH ROBNIH REZERV I U DRŽAVNU SVOJINU BOSNE I HERCEGOVINE

I

Savezne robne rezerve razmještene na teritoriji Socijalističke Republike Bosne i Hercegovine, sa stanjem na dan 8. aprila 1992. godine preuzimaju se u državnu svojinu Bosne i Hercegovine.

II

Zadužuje se Ministarstvo za privredu - Republička direkcija za robne rezerve Sarajevo da organizuje poslove popisa i izvrši preuzimanje roba iz prethodne tačke.

Na zahtjev Republičke direkcije za robne rezerve, u izvršenju zadataka iz prethodnog stava, ispomoć će pružiti nadležni opštinski organi uprave i Ministarstvo unutrašnjih poslova BiH, te ovlašćeni radnici skladištara saveznih robnih rezervi.

Popis će se izvršiti prema pismenom uputstvu direktora Republičke direkcije za robne rezerve najkasnije do 15. 4. 1992. godine.

Troškovi nastali izvršenjem poslova iz prethodnog stava padaju na teret Republičke direkcije za robne rezerve Sarajevo.

III

U izvršenju poslova iz prethodne tačke Republička direkcija za robne rezerve ostvariće saradnju sa Saveznom direkcijom za robne rezerve.

IV

Preuzete robe saveznih robnih rezervi Republička direkcija za robne rezerve će posebno evidentirati u svojim poslovnim knjigama.

V

Preuzete robe iz tačke I ove odluke služiće za namjene iz člana 4. Zakona o robnim rezervama («Službeni list SRBiH», broj 22/91).

O korišćenju ovih roba odlučuje Vlada BiH.

VI

Ugovori o uskladištenju roba i ugovori o povjeravanju na upravljanje skladišta koje je zaključila Savezna direkcija za robne rezerve za skladištenje roba i upravljanje objektima MATREZA ostaju na snazi i poslije stupanja na snagu, s tim što prava, obaveze i odgovornosti Savezne direkcije preuzima Republička direkcija za robne rezerve Sarajevo.

VII

Eventualno zaključeni ugovori o kupoprodaji objekata ili na drugi način ugovoreno otuđivanje ili opterećivanje objekata

za skladištenje na teritoriji Bosne i Hercegovine, a na kojima pravo raspolaganja je imala Savezna direkcija za robne rezerve, po stupanju na snagu ove odluke su ništavi.

Ugovori iz prethodnog stava zaključeni prije stupanja na snagu ove odluke, a nisu do tada provedeni u zemljišnim knjigama, odnosno katastru nekretnina su ništavi.

VIII

U Budžetu Bosne i Hercegovine za 1992. godinu obezbijediće se potrebna finansijska sredstva za sprovođenje administrativno-stručnih poslova preuzimanja roba te troškova skladištenja, osiguranja i obnavljanja robnih rezervi i održavanja skladišta.

IX

Stupanjem na snagu ove odluke prestaje da važi Odluka o stavljanju pod kontrolu saveznih robnih rezervi na teritoriji Socijalističke Republike Bosne i Hercegovine («Službeni list SRBiH - Posebno glasilo», broj 3/91).

X

Ova odluka stupa na snagu danom objavljivanja u «Službenom listu Republike BiH».

V. broj 011/48/92
8. aprila 1992. godine
Sarajevo

Predsjednik
Vlade RBiH,
Jure Pelivan, s.r.

SADRŽAJ

1 Uredba o izmjeni naziva Socijalističke Republike Bosne i Hercegovine	1
2 Uredba o ukidanju dosadašnjeg Republičkog štaba teritorijalne odbrane i obrazovanju Štaba teritorijalne odbrane Republike Bosne i Hercegovine	1
3 Odluka o proglašenju neposredne ratne opasnosti	1
4 Uredba o izmjenama i dopunama Uredbe o načinu formiranja cijena određenih proizvoda i usluga	2
5 Odluka o zavodu radne obaveze	2
6 Odluka o preuzimanju saveznih robnih rezervi u državnu svojinu Bosne i Hercegovine	3

Zbog izraženog velikog interesovanja, u okviru Republičke pravne biblioteke izlazi iz štampe drugo izdanje publikacije

STAMBENI ZAKON - PRIJEDLOG

Priručnik sadrži tekst prijedloga STAMBENOG ZAKONA i objašnjenja pojedinih poglavlja koja su sačinili poznati stručnjaci u ovoj oblasti.

Narudžbe slati na adresu:

Službeni list SRBiH, Magribija 3, 71.000 Sarajevo,
faksom (071) 33-840 ili telefonom (071) 210-021

Cijena: 800 dinara

avač: Novinsko-izdavačka organizacija Službeni list R BiH - Sarajevo, Ul. Magribija 3 - Poštanski fah 3 - Direktor i
ovorni urednik Mehmedalija Huremović - Telefoni: direktor 210-021, Uredništvo 213-880, Služba pretplate 215-222 - Oglasi
800 - »Službeni list R BiH« izlazi naizmjenično latinicom i ćirilicom - Štampa: »OKO« dd sa p.o. Sarajevo - Za štampariju:
m Rapa. Reklamacije za neprimljene brojeve primaju se 20 dana od izlaska lista.